



Gwasanaeth
Mabwysiadu
Cenedlaethol

National
Adoption
Service

**Achieving More Together /
Cyflawni Mwy Gyda'n Gilydd**



Western Bay
ADOPTION SERVICE
GWASANAETH MABWYSIADU
Bae'r Gorrlewin

adoptionuk
ar gyfer pob teulu sy'n mabwysiadu
for every adoptive family



AFA CYMRU
association for fostering and adoption
cymdeithas ar gyfer maethu a mabwysiadu



Vale, Valleys
and Cardiff
Adoption | **Mabwysiadu**
yn y Fro, y Cymoedd
a Chaerdydd



Mabwysiadu
Canolbarth a Gorrlewin Cymru
Adoption
Mid & West Wales



**after
adoption**



**Credwch
mewn plant
Believe in
children**
Barnardo's
Cymru



South East Wales Adoption Service
Achieving More Together
Gwasanaeth Mabwysiadu Deddwyrain Cymru
Cyflawni Mwy Gyda'n Gilydd



**Gwasanaeth
Mabwysiadu**
Gogledd Cymru | **North Wales
Adoption
Service**



Cymdeithas Plant Dewi Sant | **St David's Children Society**

Trosolwg gan Gadeirydd y Bwrdd Llywodraethu a Chadeirydd Annibynnol y Grŵp Ymgynghorol

"Mae'n bleser gennyf weld Adroddiad Blynyddol Gwasanaeth Mabwysiadu Cenedlaethol Cymru ar gyfer 2015-16 yn cael ei gyhoeddi.

Mae'n adlewyrchu llwyddiant parhaus y trefniadau newydd ar gyfer gwasanaethau mabwysiadu a gafodd eu gweithredu gan lywodraeth leol yng Nghymru, gyda'i phartneriaid, yn 2014.

Mae hi wedi bod yn flwyddyn brysur arall i staff sy'n gweithio mewn gwasanaethau mabwysiadu yng Nghymru wrth iddyn nhw barhau i ddatblygu'r gwasanaethau a gyflwynir yn rhanbarthol ac yn genedlaethol. Mae'n braf gweld y gwelliant parhaus mewn perfformiad ochr yn ochr â'r prosiectau eraill sy'n datblygu arfer.

Mae'r adborth gan fabwysiadwyr, plant a phobl ifanc yn arbennig o bwysig. Rydym wedi defnyddio eu hadborth nhw i wella gwasanaethau, a byddwn ni'n parhau i wneud hynny.

Mae gwasanaethau mabwysiadu da'n rhan hanfodol o'r ffordd y mae llywodraeth leol yn darparu gwasanaethau Magu Plant Corfforaethol ar gyfer plant y mae angen cartrefi parhaol a llawn cariad arnynt. Mae llywodraeth leol yng Nghymru'n parhau i fod yn ymroddedig i ddatblygu gwasanaethau mabwysiadu i ddiwallu anghenion y rhai sy'n defnyddio'r gwasanaethau ac i gwrdd â'r heriau sydd wedi eu hadnabod yn yr adroddiad hwn."

Y Cynghorydd Mel Nott,
Cadeirydd y Bwrdd Llywodraethu

"Trwy'r mudiadau yn y sector statudol a gwirfoddol sydd o dan ei ofal, mae'r Gwasanaeth Mabwysiadu Cenedlaethol wedi cyflwyno gwelliannau a newidiadau yn y gwasanaeth ar gyfer plant sydd wedi eu mabwysiadu a'u rhieni.

Mae'r Gwasanaeth Mabwysiadu Cenedlaethol wedi rhwydweithio ag ymchwilwyr, plant sydd wedi eu mabwysiadu a'u rhieni mabwysiadol i gael gwybodaeth a mewnwleidiad gwerthfawr i brofiadau o'r gwasanaeth mabwysiadu yng Nghymru o lygad y ffynnon.

Mae ymarferwyr a rheolwyr yn y sectorau cyhoeddus a gwirfoddol wedi cydweithio mewn ffordd bositif i fodloni gofynion Deddf Gwasanaethau Cymdeithasol a Llesiant (Cymru) 2014. Yn y dyfodol byddan nhw'n canolbwyntio ar ddarparu gwasanaethau cefnogaeth fabwysiadu, gan wneud y defnydd gorau o arian, a chynnal neu wella perfformiad. Bydd Asiantaethau Mabwysiadu Gwirfoddol a rhanbarthau'n datblygu sut maen nhw'n gweithio gyda'i gilydd.

Hoffwn i ddiolch i fabwysiadwyr a phlant sydd wedi eu mabwysiadu am roi sylwadau ar eu profiadau, a hoffwn i ddiolch i'r gweithlu mabwysiadu am eu gwaith caled ac ymroddiad parhaus."

Philip T. Hodgson

Phil Hodgson,
Cadeirydd Annibynnol Grŵp Ymgynghorol y
Gwasanaeth Mabwysiadu Cenedlaethol

Cyflwyniad

Dyma 2il adroddiad blynyddol Gwasanaeth Mabwysiadu Cenedlaethol Cymru.

Mae'n dweud beth rydym ni wedi ei wneud hyd at fis Mawrth 2016.

I'ch atgoffa chi.....

Cafodd y Gwasanaeth Mabwysiadu Cenedlaethol ei lansio ym mis Tachwedd 2014. Mae'n gorff cyffredinol sy'n dod â mudiadau a gweithgareddau lleol, rhanbarthol a chenedlaethol at ei gilydd.

Yn lleol, mae pob awdurdod lleol yn parhau i ddarparu gwasanaethau i'r holl blant sy'n derbyn gofal. Mae pob awdurdod lleol yn adnabod ac yn gweithio gyda phlant y mae mabwysiadu'n gynllun priodol ar eu cyfer.

Yn rhanbarthol, mae awdurdodau lleol yn cydweithio mewn pum cydweithfa ranbarthol i ddarparu ystod o wasanaethau mabwysiadu. Mae pob rhanbarth yn:

- gosod plant i'w mabwysiadu
- recriwtio ac yn asesu mabwysiadwyr
- cynnig gwasanaeth cwnsela i rieni biolegol
- cynnig cyngor i rieni mabwysiadol
- cynnal cysylltiadau gydag asiantaethau mabwysiadu gwirfoddol, iechyd ac addysg

Mae gwasanaethau cefnogaeth fabwysiadu'n cael eu darparu'n naill ai'n rhanbarthol neu gan bob awdurdod lleol.

Yn genedlaethol, mae gennym ni Gyfarwyddwr Gweithrediadau a thîm bach canolog. Maen nhw wedi eu cynnal o dan ofal Cyngor Dinas Caerdydd ar ran yr holl awdurdodau lleol. Mae'r Gyfarwyddwr Gweithrediadau a'r tîm canolog yn darparu cyfarwyddyd, datblygiad a chydlynid cenedlaethol.

Er mis Medi 2015, mae'r tîm canolog wedi rheoli Cofrestr Fabwysiadu Cymru hefyd.

Mae'r asiantaethau mabwysiadu gwirfoddol wedi sefydlu Partneriaeth Mabwysiadu Gwirfoddol Strategol. Mae hyn yn cynnwys:


- Cymdeithas Plant Dewi Sant (gan gynnwys Cymdeithas Mabwysiadu a Maethu Cymru)
- Adoption UK
- After Adoption
- Barnardo's Cymru

Yn y rhagair i'r adroddiad blynyddol diwethaf dywedais i mai 'dim ond y dechrau.....' oedd hwn.

Eleni mae llawer o waith wedi ei wneud i wella gwasanaethau mabwysiadu yng Nghymru, ac mae llawer o gynnydd wedi ei wneud. Rydym wedi gwella'r ffordd rydym yn gwrandao ar fabwysiadwyr a phlant a phobl ifanc sydd wedi eu mabwysiadu. Mae llawer ohonyn nhw wedi dweud wrthym ni beth maen nhw'n meddwl. Mae'r hyn maen nhw'n dweud yn dylanwadu ar y ffordd yr ydym yn newid gwasanaethau mabwysiadu. Mae arna i ddyled iddynt. Rydw i'n hyderus y gallwn barhau i wrando a siarad yn rhanbarthol ac yn genedlaethol.

Gosodom ni chwe blaenoriaeth i'n hunain ar gyfer 2015-16. Yn gyffredinol rydym ni wedi gwneud cynnydd da gyda phob un o'r chwech. Mae heriau mawr o'n blaenau ni o hyd, yn enwedig i wella gwasanaethau cefnogaeth fabwysiadu. Dechreuom ni ar rai prosiectau unigol yr ydym yn credu y byddan nhw'n gwella pethau yn y dyfodol.

Mae ein perfformiad yn adrodd stori dda i ni.



Yn awr mae gennym ni ddull dibynadwy o fesur ein cynnydd. Gallwn weld y gwahaniaethau yn ystod y flwyddyn a rhwng rhanbarthau. Mae hyn yn rhoi syniadau i ni am sut i weithio tuag at berfformio'n dda ledled Cymru, trwy gydol y flwyddyn.

Rôl y Gwasanaethau Mabwysiadu Cenedlaethol yw darparu gwasanaethau da i blant sydd wedi eu mabwysiadu neu a fydd yn cael eu mabwysiadu. I wneud hyn, mae'n rhaid i ni ddarparu gwasanaethau da i oedolion sydd eisiau mabwysiadu, rhieni biolegol ac oedolion eraill sydd wedi eu heffeithio gan fabwysiadu hefyd.

Mae ymchwil (Selwyn et al 2015) yn dangos i ni mai mabwysiadu yw'r ffordd orau o hyd i roi sefydlogrwydd gydol oes i blant os na allan nhw fyw gyda'u teulu biolegol. Nid yw'n opsiwn cywir ar gyfer pob plentyn sy'n derbyn gofal, ond mae'n bwysig bod gweithwyr cymdeithasol a llysoedd yn parhau i ystyried mabwysiadu fel opsiwn pan fyddant yn gwneud cynlluniau ar gyfer plant na allan nhw fyw gyda'u teulu biolegol.

Suzanne Griffiths

Suzanne Griffiths,
Cyfarwyddwr Gweithrediadau



BETH WNAETHOM NI Y FLWYDDYN DDIWETHAF

BLAENORIAETH 1

Recriwtio mwy o fabwysiadwyr, gan gynnwys mwy o fabwysiadwyr ar gyfer grwpiau brodyr a chwiorydd a phlant hŷn

Pam mae'n bwysig

- Bydd yn gwneud yn siŵr bod gennym ni'r dewis ehangach posib o leoliadau mabwysiadu.
- Bydd yn golygu y gall plant gael eu gosod i'w mabwysiadu gyda'r oedi lleiaf posib.
- Bydd yn sicrhau bod yr holl ddarpar fabwysiadwyr yn derbyn hyfforddiant ac asesiad o'r ansawdd uchaf heb oedi diangen, ble bynnag y maen nhw'n byw yng Nghymru.

Sut gwnaethom ni berfformio?

1. Ceision ni gynyddu nifer y mabwysiadwyr sy'n cael eu cymeradwyo, yn enwedig ar gyfer grwpiau brodyr a chwiorydd a phlant hŷn.

Roeddem ni'n anelu at 25% yn fwy o fabwysiadwyr. Ym mis Medi 2015, cyhoeddodd Llywodraeth Cymru ystadegau sy'n dangos mai'r tuedd yw i lai o blant fod â chynllun mabwysiadu. Felly, adolygom ni ein cynlluniau a'n targed recriwtio.

Yn awr, mae strategaethau recriwtio Asiantaethau Recriwtio Rhanbarthol a Strategol yn gwybod mwy am y plant y mae angen iddyn nhw gael lleoliad. Mae hyn yn golygu bod pobl sy'n cael eu hasesu i fod yn fabwysiadwyr yn fwy tebygol o fod yn fabwysiadwyr addas ar gyfer y plant y mae angen teulu mabwysiadol arnynt nhw.

- Cymeradwyodd Y Fro, Y Cymoedd a Chaerdydd 42% yn fwy o fabwysiadwyr eleni, oherwydd bod ganddyn nhw lawer o blant y mae angen mabwysiadwyr arnynt.

- Cymeradwyodd Y Bae Gorllewinol fwy o fabwysiadwyr felly doedd dim angen iddyn nhw ddibynnu cymaint ar brynu lleoliadau mabwysiadu gan fudiadau eraill.
- Cymeradwyodd gwasanaethau mabwysiadu Gogledd Cymru a Chanolbarth Cymru lai o fabwysiadwyr oherwydd yr oedd llai o blant yn y rhanbarthau hyn yr oedd angen eu mabwysiadu.

Yn gyffredinol, mae nifer y mabwysiadwyr sy'n cael eu cymeradwyo wedi codi eto. Eleni roedd 320 o fabwysiadwyr. Rydym ni'n credu bod hwn tua'r nifer iawn yn y cyd-destun presennol.

Ymholodd fwy o bobl am fabwysiadu. Derbyniodd 97% o bobl ymateb i'w hymholiad o fewn 5 niwrnod gwaith.

Dewisodd tuag un o bob tri o'r rhai a ymholodd i beidio â symud ymlaen ymhellach. Mae hwn yn debyg i'r flwyddyn ddiwethaf. Gwiriom ni hwn, a gan mwyaf mae oherwydd bob pobl yn newid eu meddwl pan fyddant yn gwybod mwy am beth mae mabwysiadu'n ei olygu, yn hytrach na phroblem gyda'r ffordd yr ydym ni wedi delio gyda'u hymholiad.

Mae'r Asiantaethau Mabwysiadu Gwirfoddol wedi bod yn canolbwyntio eu sgiliau ac arbenigedd ar blant hŷn, grwpiau brodyr a chwiorydd neu blant sydd ag anghenion ychwanegol eraill. Dyma'r plant yr ydym yn gwybod y byddant yn aros yr amser hiraf i gael eu mabwysiadu.


2. Roeddem ni eisiau torri'r amser y mae'n ei gymryd i fabwysiadwyr gael eu cymeradwyo.

Roeddem ni'n anelu at amser cyfartalog o 8 mis (243 diwrnod) o'r ymholiad cyntaf i gael eu cymeradwyo. Yn gyffredinol yng Nghymru, fe lwyddom ni i dorri'r amser aros cyfartalog o 9.5 mis i 8.6 mis.

Amrywiodd yr amser yn ystod y flwyddyn a rhwng asiantaethau.

- Torrodd Y Fro, Y Cymoedd a Chaerdydd yr amser cyfartalog i 5.8 mis.
- Yng Nghanolbarth a Gorllewin Cymru, archwiliodd rheolwyr y mater yn drylwyr pryd bynnag y cymerodd dros 8 mis. Helpodd hynny iddyn nhw dorri'r amser aros.
- Yng Ngogledd Cymru, sylweddolion nhw yr oedd angen iddyn nhw gynnig hyfforddiant yn fwy aml. Trwy wneud hyn, torrom ni'r amser aros cyfartalog o 11 mis yn ystod 3 mis cyntaf y flwyddyn i 7.2 mis yn ystod 3 mis diwethaf y flwyddyn.

Ffigur 1 Amser aros cyfartalog o'r ymholiad cychwynnol i dderbyn cymeradwyaeth fel mabwysiadwyr



3. Roeddem ni eisiau gweld llai o grwpiau brodyr a chwiorydd a phlant hŷn ar Gofrestr Fabwysiadu Cymru.

Mae'r sefyllfa wedi gwella ar gyfer plant 4+ oed.

Roedd mwy o blant mewn grwpiau brodyr a chwiorydd ar Gofrestr Fabwysiadu Cymru ar ddiwedd mis Mawrth 2016 nag ar ddiwedd mis Mawrth 2015.

Mae Gogledd Cymru'n targedu darpar fabwysiadwyr addas trwy hysbysebu anghenion plant sy'n aros i gael eu mabwysiadu, ymagwedd rydym ni'n bwriadu ei hestyn ar draws Cymru.

Byddwn ni'n parhau i ddefnyddio gwybodaeth o Gofrestr Fabwysiadu Cymru i sicrhau bod y cymysgedd iawn o fabwysiadwyr yn cael ei gymeradwyo.

Ein strategaeth farchnata genedlaethol

Mae ein strategaeth ni ar gyfer targedu recriwtio at ddarpar fabwysiadwyr addas yn seiliedig ar #GweldYPlentynCyfan.

Nodweddion allweddol y strategaeth yw:

- darparu gwybodaeth am y plant sy'n debygol o fod ar gael i'w mabwysiadu
- cynyddu gwybodaeth gyffredinol am fabwysiadu, a chwalu mythau
- 'sgript' recriwtio gyffredinol, fel bod pawb sy'n gwneud ymholiadau'n derbyn yr un negeseuon am y plant sy'n aros, y plant sy'n debygol o fod ar gael a sut mae recriwtio'n gweithio

Ein hamcan ni yw i'r strategaeth arwain at ddewis o leoliadau, yn enwedig ar gyfer plant sy'n aros yr amser hiraf ar hyn o bryd, ac i blant gael eu gosod gyda'r oedi lleiaf posib.



Sut aeth y gwaith datblygu?

Beth ddwedon ni y byddwn ni'n ei wneud?	Beth wnaethom ni?	Sut gwnaethom ni berfformio?
Sut gwnaethom ni berfformio? Agree a national adopter recruitment strategy. Think of different ways to market adoption, and then use those different ways in our marketing.	Helpodd mabwysiadwyr ar draws Cymru a Thîm Arloesi Llywodraeth Cymru ni gyda hyn. Mae model dau gam ar gyfer Cymru wedi ei ddatblygu. Mae'n barod i gael ei brofi a'i weithredu.	
Cytuno ar strategaeth recriwtio mabwysiadwyr genedlaethol. Meddwl am ddulliau gwahanol o farchnata mabwysiadu, ac yna defnyddio'r dulliau gwahanol hynny yn ein gweithgareddau marchnata.	Yn gynnar yn y flwyddyn datblygon ni Strategaeth Farchnata Genedlaethol. Yn ddiweddarach yn y flwyddyn derbyniod ni grant gan Lywodraeth Cymru. Defnyddiod ni ran o'r grant i ddatblygu lluniau, negeseuon ac adnoddau newydd am y plant sy'n debygol o fod ar gael i'w mabwysiadu. Byddwn yn dechrau defnyddio'r rhain yng Ngwanwyn 2016 fel rhan o bawb yn cydweithio ar strategaeth recriwtio wedi ei thargedu newydd. Mae un o'n partneriaid sector gwirfoddol wedi rhoi benthyg aelod o staff i ni am un diwrnod yr wythnos. Mae hwn yn rhoi arbenigedd 'mewnol' i ni yn ogystal â'r cyngor rydym yn ei dderbyn gan gwmni Cysylltiadau Cyhoeddus.	
Newid y ffordd y mae rhai mudiadau'n meddwl am fabwysiadu a'r ffordd y maen nhw'n cyflwyno rhai o'u gwasanaethau.	Strategaeth hir dymor yw hon. Mae gweithgareddau'r flwyddyn hon wedi dechrau gwneud cynnydd arni.	

Mae mwy o blant yn cael eu gosod heb oedi

Pam mae'n bwysig

- Mae'n golygu ein bod wedi gwella sut rydym yn paru plant gyda darpar fabwysiadwyr.
- Mae'n golygu bod y broses fabwysiadu'n gweithio'n fwy llyfn. Mae hwn yn cynnwys gwella'r ffordd y mae gweithwyr cymdeithasol yn cydweithio.

Sut gwnaethom ni berfformio?

1. Ceisiom ni dorri'r amser aros rhwng plentyn yn mynd i mewn i ofal a'i osod i gael ei fabwysiadu.

Ein targed ni yw 13 mis. Eleni, torrom ni'r amser aros ymhellach o 16.6 mis i 15.2 mis. Mae angen i ni wneud mwy o waith o hyd i dorri'r amser i 13 mis.

Mae'r amser yn amrywio rhwng rhanbarthau ac adegau gwahanol o'r flwyddyn. Rydym ni eisiau bod yn fwy cyson yn ogystal â thorri'r amser aros ymhellach.

2. Roeddem ni eisiau lleihau nifer y plant sy'n aros am fwy na 6 mis rhwng penderfyniad mai mabwysiadu yw eu cynllun nhw (penderfyniad 'dylai gael ei osod') a pharu nhw gyda mabwysiadwyr.

Ar ddiwedd y flwyddyn ddiwethaf, roedd yn rhaid i bron 7 o bob 10 o blant aros yn fwy na 6 mis. Erbyn diwedd y flwyddyn hon, roeddem ni wedi ei dorri i ddim ond 5 o bob 10 o blant. Mae'r nifer sy'n aros am fwy na 6 mis yn amrywio yn ystod y flwyddyn a rhwng rhanbarthau. Mae angen i ni dorri maint yr amrywiad.

Yn gyffredinol, mae nifer y plant sy'n aros am leoliad yn dangos gostyngiad cyson. Ar ddiwedd mis Mawrth 2016 roedd e wedi gostwng 92 i 288 ers diwedd mis Mehefin 2014. Mae'r rhan fwyaf o

blant bellach yn cael eu paru o fewn eu rhanbarth ond roeddem wedi gosod yr un nifer o blant gydag asiantaethau gwirfoddol yng Nghymru.



Cofrestr Fabwysiadu Cymru
Wales Adoption Register

Mae Cofrestr Fabwysiadu Cymru'n un ffordd o ddod o hyd i deuluoedd ar gyfer plant. Mae'n cael ei ddefnyddio'n bennaf ar gyfer plant y mae pariad yn fwy anodd ddod o hyd iddo yn eu rhanbarth nhw. Mae Cofrestr Fabwysiadu Cymru'n rheoli'r protocol ar gyfer paru plant a mabwysiadwyr yng ngwledydd gwahanol y Deyrnas Unedig. Mae nifer y plant sydd wedi eu paru gan y Gofrestr wedi codi o 41 o blant (11% o'r holl blant sy'n cael eu mabwysiadu yng Nghymru) yn 2014-15 i 51 o blant (15%) yn 2015-16.

Pan gafodd Cofrestr Fabwysiadu Cymru ei lansio, roedd chwiliadau gweithredol am leoliadau'n cael eu gwneud ar gyfer 139 o blant ar y gofrestr, ac roedd 22 o fabwysiadwyr yn unig ar y gofrestr. Ar ddiwedd mis Mawrth 2016, roedd chwiliadau gweithredol am leoliadau'n cael eu gwneud ar gyfer 54 o blant, ac roedd 110 o fabwysiadwyr ar gael.

Mae nifer bach o blant ar Gofrestr Fabwysiadu Cymru yn annhebygol o gael eu paru gyda'r mabwysiadwyr sydd ar gael. Tua 30-35 o blant yw'r nifer hwn fel arfer.

Ar 31 Mawrth 2016:

- roedd gan 38 o blant ychydig iawn neu ddim cyfle o gael eu paru gyda'r mabwysiadwyr sydd ar gael. Roedd 19 yn rhan o grŵp brodyr a chwiorydd. Roedd gan 16 anghenion mwy cymhleth neu roedden nhw'n hŷn.
- O'r 110 o fabwysiadwyr, roedd bron pob un (90%) eisiau dim ond un plentyn, ac roedd tuag un o bob tri (34%) eisiau plentyn o dan 2 flwydd oed.

3. Roeddem ni eisiau gweld 50% yn llai o blant y mae eu cynllun ar gyfer mabwysiadu'n cael ei newid.

Ein targed oedd gweld 50% yn llai o blant y mae eu cynllun ar gyfer mabwysiadu'n cael ei newid. Llwyddom ni i dorri'r nifer 68%.



Sut aeth y gwaith datblygu?

Beth ddwedon ni y byddwn ni'n ei wneud?	Beth wnaethom ni?	Sut gwnaethom ni berfformio?
Cytuno ar ddull cenedlaethol o ddod o hyd i deulu mabwysiadol ar gyfer plant.	Gyda mewnbwn staff o'r holl ranbarthau ac Asiantaethau Mabwysiadu Gwirfoddol, rydym ni wedi datblygu 'Canllaw Arfer Gorau ar gyfer Dod o Hyd i Deuluoedd'. Mae'r canllaw yn: • pwysleisio pwysigrwydd cynllunio cynnar ar gyfer lleoli pob plentyn gyda chynllun mabwysiadu. • sy'n amlinellu amrywiaeth o offer paru y gellir ei ddefnyddio i ddod o hyd i deuluoedd. Rydym ni wedi peilota system ar-lein y gall mabwysiadwyr gael mynediad iddi (Cyswllt Mabwysiadu) fel dull ychwanegol o ddod o hyd i deuluoedd ar gyfer plant. Rydym ni wedi gwella sut mae cofrestr fabwysiadu bresennol Cymru'n gweithio.	
Gweithio gyda chynghorau lleol i'w helpu cynllunio ar gyfer dyfodol tymor hir plant.	Mae gan y rhanbarthau ac awdurdodau lleol ddeialog parhaus am y rôl y gall mabwysiadu ei chwarae. Mae'r holl ranbarthau'n cwrdd â'u hawdurdodau lleol yn rheolaidd i ganolbwyntio ar ddatblygu a gwella'r gwasanaeth. Enghreifftiau yw lleihau'r amser y mae'n ei gymryd i osod plant i gael eu mabwysiadu, gwella darpariaeth deunyddiau siwrnai bywyd a chynyddu defnydd rhieni biolegol o gefnogaeth fabwysiadu yn sylweddol. Rydym ni ac AFA Cymru wedi bod yn aelodau o Grŵp Llywio Strategol Llywodraeth Cymru ar 'Wella Canlyniadau i Blant sy'n Derbynn Gofal'. Rydym ni wedi cymryd rhan mewn grwpiau tasg, fel datblygu Rhwydwaith Maethu Cenedlaethol.	

Cefnogaeth Fabwysiadu Well

Pam mae'n bwysig

- Bydd yn gwneud canlyniadau da'n debygol ar gyfer yr holl blant sy'n cael eu mabwysiadu ac yn helpu teuluoedd pan fydd angen cymorth ychwanegol arnynt.

Sut gwnaethom ni berfformio?

1. Roeddem ni eisiau sicrhau bod yr holl blant sy'n cael eu gosod i gael eu mabwysiadu'n cael eu hasesu ar gyfer gwasanaethau cefnogaeth fabwysiadu. Roeddem ni eisiau sicrhau, pan fydd ei angen, bod cynllun cefnogi wedi cael ei roi ar waith sydd wedi ei drafod gyda'r darpar fabwysiadwyr.

Dechreuom ni fesur hyn yn 2015-16. Rydym ni wedi datblygu rhai mesurau eraill y byddwn ni'n eu defnyddio yn 2016-17.

Eleni, derbyniodd yr holl blant a gafodd eu gosod i gael eu mabwysiadu asesiad o'u hanghenion ar gyfer gwasanaethau cefnogaeth fabwysiadu. Pan fydd cynllun cefnogaeth fabwysiadu'n bodoli, mae wedi cael ei drafod gyda'r mabwysiadwyr.

Rydym ni wedi edrych ar ymchwil i wasanaethau cefnogaeth fabwysiadu a chynlluniau cefnogaeth fabwysiadu. Mae rhai mabwysiadwyr (rhwng 8% a 23%) yn teimlo nad ydynt yn derbyn yr holl gefnogaeth ymarferol a seicolegol y mae ei hangen arnynt (astudiaeth o garfan Fabwysiadu Cymru, Katherine Shelton)

Nid yw proses a fformat y cynlluniau'n gweithio i fabwysiadwyr neu blant (Kempenaar, M 2015).



2. Roeddem ni eisiau cynyddu nifer y plant sy'n cael eu gosod i gael eu mabwysiadu yr oedden nhw wedi derbyn eu deunyddiau siwrnai bywyd cyn eu 2il adolygiad mabwysiadu.

Yn y rhan fwyaf o Gymru, mae gwaith siwrnai bywyd yn cael ei wneud gan weithiwr cymdeithasol y plentyn. Mae hyn yn golygu nad yw cyrraedd y targed hwn yn gyfan gwbl o dan reolaeth y gwasanaeth mabwysiadu. Gofynnwyd i wasanaethau rhanbarthol ganolbwyntio ar gydweithio â'u hawdurdodau lleol i wneud gwelliannau.

Mae hyn yn dechrau gwella. Eleni, roedd gan bron hanner y plant sydd â lleoliad ddeunyddiau siwrnai bywyd. Y flwyddyn ddiwethaf, roedd yn llai na chwarter o'r plant.

Mae Canolbarth a Gorllewin Cymru'n dweud eu bod nhw wedi gwella oherwydd:

- monitro parhaus gan y swyddogion adolygu annibynnol a rheolwyr.
- gweithwyr cymdeithasol mabwysiadu sy'n cydweithio'n agos â thimau gofal plant

Mae gwasanaethau mabwysiadu'n deall bod deunyddiau siwrnai bywyd yn bwysig i blant a rhieni. Mae gwaith siwrnai bywyd yn cefnogi symud i deulu newydd a setlo ynddo. Mae'n adnodd gydol oes i helpu plant ac oedolion sydd wedi eu mabwysiadu i wneud synnwyr o'u gorffennol hefyd.

Y flwyddyn ddiwethaf, gwnaethom ni ddim wella cymaint ag yr oeddem wedi gobeithio. Mae hon yn flaenoriaeth barhaus ar ein cyfer ni o hyd.

3. Roeddem ni eisiau i lefelau aflonyddu yn ystod mabwysiadu aros yn isel.

Gwnaethom ni fesur dau beth:

- Ydy pariad sydd wedi ei gytuno'n methu â mynd yn lleoliad? Digwyddodd hynny i ddim ond 3% o blant.
- Ydy'r lleoliad yn mynd ar chwâl cyn bod y gorchymyn mabwysiadu'n cael ei gyhoeddi? Digwyddodd hynny i ddim ond 4% o blant.

Gostyngodd nifer y plant sy'n derbyn gofal yr oedden nhw wedi eu mabwysiadu'n flaenorol i 8 eleni. Roedd yn 34 y flwyddyn ddiwethaf.

Yn fras, dyma'r lefelau y mae'r ymchwil yn dweud y dylem ni eu disgwyl (Selwyn et al 2014 a 2015).

4. Roeddem ni eisiau gwella'r gwasanaeth i rieni biolegol trwy sicrhau bod gwasanaeth yn cael ei gynnis i bawb a bod mwy yn derbyn y cynnis hwn.

Mae hyn wedi dechrau gwella; cododd nifer y rhieni biolegol sy'n cael eu cyfeirio i wasanaethau mabwysiadu. O'r rhain, cafodd gwasanaeth ei gynnis i bron pob un (97%). Mae hyn yn golygu ein bod ni bron wedi cyflawni ein targed.

Rydym ni eisiau i o leiaf hanner y rhieni genedigol dderbyn y cynnis. Eleni, roedd bron chwarter ohonyn nhw (24%) wedi'i dderbyn. Dyma welliant o'i gymharu â'r flwyddyn ddiwethaf (18%). Mae'r defnydd o'r gwasanaeth wedi gwella ym mhob rhanbarth ond mae angen i ni wella hyn ledled Cymru.

Sut aeth y gwaith datblygu?

Ein hamcan ni yw gwneud gwelliannau i'r ffordd y mae plant, pobl ifanc a'u rhieni'n cael eu cefnogi fel bod pobl yn gallu derbyn cefnogaeth os bydd ei hangen arnyn nhw. Dyma'r rhan o'r gwasanaethau mabwysiadu yng Nghymru y mae angen eu datblygu fwyaf, ac roedd angen i ni wneud rhywfaint o waith 'yn y cefndir' yn gyntaf. Dylai hyn ein helpu ni i wneud gwelliannau yn y dyfodol.

Sut aeth y gwaith datblygu?

Beth ddwedon ni y byddwn ni'n ei wneud?	Beth wnaethom ni?	Sut gwnaethom ni berfformio?
Gwneud beth mae'n ei ddweud yn ein fframwaith cefnogaeth fabwysiadu	Mae strategaeth gytunedig i ddatblygu gwasanaethau cefnogaeth fabwysiadu mewn fframwaith 3 lefel o wasanaethau cyffredinol, wedi eu targedu ac arbenigol. Defnyddiom ni gymorth grant gan Lywodraeth Cymru i gydweddu â'r gwaith sy'n digwydd ar draws Cymru i ddatblygu gwasanaethau cefnogaeth fabwysiadu. Defnyddiom ni'r arian i: (i) Ariannu aelodaeth gychwynnol o Adoption UK am flwyddyn ar gyfer mabwysiadwyr newydd a gafodd eu cymeradwyo yn 2015-16. Mae hyn yn parhau i gael ei wneud. (ii) Darparu (trwy Adoption UK) 14 o sesiynau cynyddu ymwybyddiaeth a hyfforddiant i fabwysiadwyr a staff mabwysiadu mewn dull rheoli ymddygiad anodd o'r enw Gwrthsefyll Di-Drais. Mae'r rhan fwyaf o'r rhanbarthau wedi bod yn gweithio ar weithredu strategaeth i ddatblygu cefnogaeth fabwysiadu. Adolygodd Canolbarth a Gorllewin Cymru a De-ddwyrain Cymru eu gwasanaethau ac maen nhw wedi rhoi cynlluniau datblygu ar waith. Mae'r Bae Gorllewinol wedi bod yn gweithio ar ailstrwythuro eu hadnoddau presennol ac adnabod anghenion hyfforddiant wrth baratoi i greu model cyflwyno gwasanaeth therapiwtig. Mae Adoption UK wedi dylunio cyrsiau mewn Gwrthsefyll Di-Drais ar gyfer ymarferwyr a rhieni sydd i'w cyflwyno yn 2016-17. Mae Dewi Sant a Barnardos yn parhau i gyflwyno a datblygu'r gefnogaeth fabwysiadu y maen nhw'n ei chynnis i deuluoedd.	

Darparu system sy'n galluogi mabwysiadwyr i aros mewn cysylltiad â'r gwasanaethau mabwysiadu, os mai dyna beth mae'r mabwysiadwr ei eisiau.	Rydym ni wedi bod yn ystyried datblygu cronfa ddata amlswyddogaethol i'n galluogi ni i gynnig hyn i fabwysiadwyr, ac i wneud pethau eraill i ni hefyd. Ymgynghorom ni â mabwysiadwyr a gweithwyr proffesiynol ar y syniad hwn, ac rydym ni wedi derbyn adroddiad sy'n cynnwys argymhellion y byddwn ni'n bwrw ymlaen gyda nhw eleni.	
Gwneud yn siŵr bod pawb yn gwybod beth sydd wedi ei gytuno'n barod am gefnogaeth fabwysiadu	Mae taflen wybodaeth i'w lawrlwytho wedi ei datblygu, sydd ar gael ar wefan y Gwasanaeth Mabwysiadu Cenedlaethol. Mae amrywiaeth o grwpiau cefnogi a digwyddiadau'n ar draws Cymru trwy'r amser. Mae'r rhain yn cael eu hysbysebu ar wefan y Gwasanaeth Mabwysiadu Cenedlaethol. Mae cytundeb wedi ei wneud ar draws Cymru i 'groesi ffiniau' ar gyfer gwasanaethau cefnogi sylfaenol hefyd, fel bod mabwysiadwyr yn gallu cael mynediad at grwpiau cefnogi a digwyddiad yn eu hardal leol nad ydyn nhw o reidrwydd yn rhan o'r asiantaeth y mae nhw'n 'perthyn' iddo (eu hasiantaeth gymeradwyo). Cyn bo hir bydd gennym ni adran 'cefnogaeth fabwysiadu' ar ein gwefan www.adoptcymru.com a fydd yn cynnwys yr wybodaeth uchod a gwybodaeth ddiweddar arall am gefnogaeth fabwysiadu, gan gynnwys ble i fynd am wybodaeth a chyngor.	
Cylchlythyr i'r holl fabwysiadwyr, o leiaf unwaith y flwyddyn.	Mae'r is-grŵp cyfryngau a marchnata wedi datblygu cylchlythyr a fydd yn cynnwys diweddariadau a gwybodaeth am gefnogaeth fabwysiadu ar draws y rhanbarthau a'r Asiantaethau Mabwysiadu Gwirfoddol. Bydd hwn yn cael ei gyhoeddi ar ein gwefan ac yn cael ei hyrwyddo gan ddefnyddio ein cyfryngau cymdeithasol. Mae gan rai rhanbarthau ac Asiantaethau Mabwysiadu Gwirfoddol gylchlythyrau ar gyfer y mabwysiadwyr y maen nhw wedi eu cymeradwyo hefyd.	
Ei gwneud hi'n haws i gael asesiad ar gyfer gwasanaethau cefnogaeth fabwysiadu.	Comisiynom ni rywfaint o waith datblygu i roi syniadau ar y ffordd orau o ddatblygu gwasanaethau cefnogaeth fabwysiadu ledled Cymru. Roedd hyn yn cynnwys adolygiad o bwyntiau mynediad at asesiadau. Mae gennym ni adroddiad manwl gydag ystod o argymhellion sy'n cael eu hystyried. Bydd llawer o'r argymhellion hyn yn ffurfio sail i gynllun clir ar gyfer datblygu gwasanaethau cefnogaeth fabwysiadu yng Nghymru. Mae rhanbarth De-ddwyrain Cymru'n peilota mynediad i asesiadau a gwasanaethau trwy'r gydweithfa rhanbarthol yn gynnar yn 2016-17. Dyma'r model y mae'r Fro, Y Cymoedd a Chaerdydd yn ei ddefnyddio'n barod.	

Gwneud yn siŵr bod mabwysiadwyr yn cael eu trin yn gyson o ran cefnogaeth ariannol	Mae'n braf i fedru adrodd ein bod ni wedi adolygu'r defnydd o lwfansau ariannol ledled Cymru a'n bod wedi cyrraedd cytundeb 'mewn egwyddor' i gael un polisi ar gyfer Cymru. Mae hwn wedi ei ddilysu gan y Bwrdd Llywodraethu ac mae gennym ni bolisi Cymru Gyfan drafft. Mae gwaith yn mynd rhagddo ar hwn. Byddwn ni'n: • ymgynghori ar y polisi drafft, gan gynnwys ymgynghori â mabwysiadwyr • mapio'r goblygiadau, gan anelu at roi cynllun gweithredu ar waith erbyn 1 Hydref 2016.	
Cytuno ar gynlluniau i ddatblygu cefnogaeth ar gyfer plant sydd wedi eu mabwysiadu a'u rhieni gan wasanaethau iechyd ac addysg	Rydym ni wedi gweld llwyddiant cymysg yn genedlaethol ac yn rhanbarthol wrth sefydlu ac ymgorffori cysylltiadau adeiladol gydag iechyd ac addysg. Mae'n parhau'n flaenoriaeth. Mae rhanbarth De-ddwyrain Cymru (gydag iechyd) a rhanbarthol Canolbarth Cymru (gydag addysg) wedi peilota dulliau gwahanol o asesu a diwallu anghenion emosiynol plant sydd wedi eu mabwysiadu neu a fydd yn cael eu mabwysiadu. Rydym ni wedi cefnogi Adoption UK i barhau i arwain ar waith gyda chydweithwyr polisi yn Llywodraeth Cymru. Mae llyfryn newydd i ysgolion 'Cael Pethau'n lawn i Bob Plentyn – canllaw ar gyfer ysgolion i weithio gyda phlant sydd wedi eu mabwysiadu a'u teuluoedd' wedi ei ddatblygu ac fe gaiff ei gyhoeddi yng Ngwanwyn 2016. Cafodd y llyfryn ei ysgrifennu'n dilyn cyfnod o ymgynghori â phlant sydd wedi eu mabwysiadu, rhieni ac athrawon.	
Gwrando ar yr hyn y mae mabwysiadwyr a phlant a phobl ifanc yn ei ddweud wrthym am eu blaenoriaethau	Rydym ni wedi parhau i gynnal cysylltiadau â mabwysiadwyr a phlant a phobl ifanc sydd wedi eu mabwysiadu er mwyn i ni wybod beth yw'r rhain. Mae 5 digwyddiad wedi eu cynnal gyda mabwysiadwyr ac 1 gyda phlant a phobl ifanc wedi eu mabwysiadu eleni. Mae manylion am hyn yn yr adran nesaf.	



Gwranddo ar a gweithio gyda phlant ac oedolion sy'n defnyddio gwasanaethau mabwysiadu

Pam mae'n bwysig

- Mae'n helpu ni i wybod p'un a yw gwasanaethau mabwysiadu o safon uchel yn cael eu darparu'n gyson yng Nghymru.

Sut gwnaethom ni berfformio?

1. Dywedom ni y byddem ni'n cytuno ar ymagwedd at roi hwn ar waith yn genedlaethol ac yn rhanbarthol. Byddem ni'n cynnal o leiaf un digwyddiad gyda mabwysiadwyr a gyda phlant a phobl ifanc.

Rydym ni wedi cyflawni llawer eleni. Rydym ni wedi gosod sylfaen dda ar gyfer gweithio gyda mabwysiadwyr, plant a phobl ifanc. Mae mwy na 170 o fabwysiadwyr a 140 o blant a phobl ifanc wedi cymryd rhan gyda ni eleni.

Ar ddechrau'r flwyddyn, cytunom ni y byddai'r tîm canolog yn:

- cydweithio â'r gwasanaethau rhanbarthol a'r Asiantaethau Mabwysiadu Gwirfoddol i ddechrau siarad gyda mabwysiadwyr a phlant a phobl ifanc sydd wedi eu mabwysiadu
- datblygu strategaeth tymor hirach.

Rydym ni wedi:

- cynnal digwyddiadau
- mynychu cyfarfodydd
- cynnwys mabwysiadwyr mewn darnau o waith datblygu
- ymweld â rhai grwpiau cefnogi sydd wedi eu sefydlu ers tro i gwrdd â mabwysiadwyr a phobl ifanc

- Cwrddodd Phil Hodgson, Cadeirydd Annibynnol y Grŵp Ymgynghorol â grŵp o dadau mabwysiadol yn haf 2015
- Cwrddodd Suzanne Griffiths Cyfarwyddwr Gweithrediadau a Phil Hodgson â grŵp 'Talk Adoption' yn Ne Cymru ym mis Tachwedd 2015.
- Cwrddodd Phil Hodgson a Martina McCrossan (ein Swyddog Polisi ac Arfer) â grŵp cefnogaeth fabwysiadu yng Nghonwy ym mis Ebrill 2016.
- Cynhaliwyd tri diwrnod teulu yn Abertawe, Powys a Bro Morgannwg
- Rydym yn defnyddio ein gwefannau cyfryngau cymdeithasol a'n gwefan ni i greu cysylltiadau â phobl. Rydym ni'n gweld hwn fel cyfle gwych i ymateb yn uniongyrchol i bobl, a hefyd i ddweud wrth bobl am newyddion a digwyddiadau mabwysiadu ledled Cymru.

Rydym ni hefyd wedi cynnwys mabwysiadwyr yn:

- ein gwaith ni o adolygu'r broses o'r ymholiad i'r asesiad (mabwysiadwyr o grwpiau cefnogi yn y Gogledd a'r De)
- datblygu model cefnogaeth fabwysiadu
- Adolygu Cofrestr Fabwysiadu Cymru. Cymerodd nifer o fabwysiadwyr ran mewn sgysiau dros y ffôn. Ychwanegodd hynny at yr hyn y dywedodd mabwysiadwyr wrthym ni mewn diwrnodau cyfnewid.

Negeseuon o'r diwrnodau teulu

Trefnwyd y diwrnodau teulu gan AUK ac After Adoption mewn partneriaeth â staff rhanbarthol. Daeth 94 o deuluoedd iddyn nhw, gan gynnwys 153 o oedolion a 133 o blant. Roedden nhw'n hwyl rhagorol i'r plant, ac yn gyfle i'w rhieni siarad â ni am yr hyn sy'n bwysig iddyn nhw. Golygodd cymryd rhan mewn digwyddiadau lleol fod y cydweithfeydd rhanbarthol a'r Asiantaethau Mabwysiadu Gwirfoddol yn clywed o lygad y ffynnon am broblemau lleol. Mae'r materion y mae pobl wedi eu codi'n pennu cyfeiriad y Gwasanaeth Mabwysiadu Cenedlaethol.

Rydym wedi gwrando a myfyrio ar yr hyn rydym ni wedi ei glywed Roedd cynifer o negeseuon positif gan deuluoedd am yr hyn y mae mabwysiadu wedi ei olygu iddyn nhw. Mae nifer o ddyfyniadau isod:

"Roeddwn yn dwlu ar y blynyddoedd cynnar gyda fy 3 o blant. Roedd yr arddegau'n anodd ac maen nhw'n anodd o hyd, ond wrth edrych yn ôl rwy'n falch o fy nghyfraniad at wneud gwahaniaeth".

"Rydym ni wedi bod mor lwcus i fedru mabwysiadu bachgen bach hyfryd. Mae'r gefnogaeth gan ein hasiantaeth a chyrff mabwysiadu eraill wedi bod yn wych, ac mae'n hyfryd i gwrdd a rhwydweithio'n rheolaidd â mabwysiadwyr eraill".

"Mae fy merch yn syfrdanol ac mae ei rhyfeddod yn synnu fi bob dydd."

Er hynny, dywedodd teuluoedd mabwysiadol wrthym ni hefyd am yr heriau y maen nhw wedi eu hwynebu a'r hyn y maen nhw eisiau i'r Gwasanaeth Mabwysiadu Cenedlaethol ganolbwyntio arno. Isod mae'r themâu sydd wedi dod i'r amlwg:

Recruiwio ac Asesu mabwysiadwyr

- Mae ymdeimlad cyffredinol bod pobl yn fodlon ar y rhan hon o'r daith fabwysiadu, ac roedd llawer o sylwadau positif am dimau a gweithwyr cymdeithasol unigol yn ystod yr asesiad a'r paru.***

Y Broses Paru a Gosod

- Dysgom ni fod gan rai mabwysiadwyr newydd eu cymeradwyo bryderon am y gostyngiad yn nifer y plant sydd ar gael i'w mabwysiadu, a beth mae hyn yn ei olygu ar eu cyfer nhw sy'n 'aros' i gael eu paru. Clywsom ni ei fod yn anodd darganfod 'pwy yw'r plant' a 'faint o blant sy'n aros'.***

- Dywedodd teuluoedd wrthym am bryderon ynghylch oedi a heriau yn y broses gyfreithiol, a rhoi blaenoriaeth i rieni biolegol.***

Cefnogaeth Yn Sgil Mabwysiadu

- Derbyniom ni neges gyson ym mhob digwyddiad a chyfarfod am y diffyg cefnogaeth, gyda phwyslais ar ddiffyg cefnogaeth therapiwtig.***
- Dywedodd pobl wrthym nad oeddent yn deall yn iawn pa gefnogaeth sydd ar gael a sut i gael mynediad ati, yn enwedig nifer o flynyddoedd wedyn, ar ôl iddyn nhw golli cysylltiad â'r asiantaeth fabwysiadu a'u 'cymeradwyodd nhw'.***
- Roedd neges gyson o fabwysiadwyr yn "teimlo ein bod ni ar ein pennau ein hunain" wrth reoli ymddygiad anodd iawn, yn enwedig yn yr arddegau.***
- Addysg - roedd llawer o enghreifftiau o ysgolion nad oeddent yn medru nac yn fodlon rheoli anghenion cefnogaeth fabwysiadu. Rydym ni'n clywed am sut mae dulliau traddodiadol o ddelio ag ymddygiad yn arwain at wahardd a/neu alwadau rheolaidd i rieni i gasglu plant, gan effeithio ar allu pobl i weithio.***
- Mae anawsterau wrth gael mynediad at wasanaethau CAMHS - wedi eu cysylltu â diffyg cefnogaeth therapiwtig.***
- Byddai'n helpu i gael mwy o weithwyr medrus yn cefnogi teuluoedd.***
- Gofynnodd teuluoedd "Pam nad oes gan Gymru gronfa cefnogaeth fabwysiadu fel yn Lloegr?"***

Dywedodd plant a phobl ifanc wrthym:

- Nad yw ysgolion yn deall mabwysiadu - mae hyn yn cynnwys cymheiriaid ac athrawon***
- Nid yw CAMHS yn hawdd cael mynediad ato nac yn meddu ar lawer o ymwybyddiaeth o fabwysiadu***
- Maen nhw eisiau fod yn rhan o hyfforddiant siwrnai bywyd***
- Maen nhw eisiau grwpiau cefnogi/gwersyll ar gyfer plant hyn***
- Maen nhw eisiau cwrdd/ymgysylltu â'r Gwasanaeth Mabwysiadu Cenedlaethol.***

Gwrandawom ni ar yr hyn a gafodd ei ddweud wrthym. Rydym ni'n gwneud yn siŵr bod ein blaenoriaethau'n adlewyrchu blaenoriaethau teuluoedd mabwysiadol ym mhob rhan o'n gwaith.

Mae heriau o'n blaenau ni i sicrhau bod teuluoedd ar lefelau lleol, rhanbarthol a chenedlaethol yn deall

ac yn cefnogi gwelliannau y mae angen iddyn nhw ddigwydd i wasanaethau.

Rydym yn gwybod bod mabwysiadu'n effeithio ar lawer o bobl hefyd. Mae angen i ni greu cysylltiadau â theuluoedd biolegol, oedolion sydd wedi eu mabwysiadu a pherthnasau yn y dyfodol.

Gwneud yn well yn gyffredinol

Pam mae'n bwysig

- Bydd yn helpu ni i ddarparu gwasanaethau mabwysiadu o safon uchel yn gyson yng Nghymru.

Sut gwnaethom ni berfformio?

1. Dywedom ni y byddwn ni'n datblygu data gwell a sicrhau ein bod ni'n gwybod sut a phryd i'w ddefnyddio. Byddwn ni'n cyhoeddi o leiaf pedwar adroddiad bob blwyddyn. Bydd yr adroddiadau'n hawdd eu darllen a'u defnyddio.

Mae'n rhywbeth newydd i wasanaethau mabwysiadu fonitro eu perfformiad, dadansoddi'r wybodaeth a defnyddio'r wybodaeth i reoli a gwella gwasanaethau. Rydym ni wedi gweithio'n galed i sicrhau bod yr holl asiantaethau'n casglu'r data yn yr un ffordd ac yn defnyddio'r data'n effeithiol. Mae ein his-grŵp perfformiad yn cwrdd yn rheolaidd i roi cyngor ar sut i ddehongli'r data a pham y gallai fod amrywiadau rhwng asiantaethau ac yn ystod y flwyddyn. Mae'r cyfarfodydd hyn wedi helpu gwella sut rydym yn casglu data hefyd.

Bob tri mis rydym ni'n darparu adroddiadau perfformiad manwl. Mae'r rhanbarthau'n dweud eu bod yn defnyddio data perfformiad yn rheolaidd yn eu cyfarfodydd rheoli ac i gyfeirio adroddiadau i aelodau cyngor.

2. Roeddem ni eisiau meddwl am ddulliau o fesur yr hyn sy'n cael ei gyflawni, nid dim ond yr hyn sy'n cael ei wneud.

Roeddem ni wedi gobeithio dechrau meddwl am sut rydym ni'n mesur canlyniadau. Mae hwn yn fwy cymhleth i wasanaethau mabwysiadu oherwydd nad yw plant yn derbyn gofal rhagor pan fydd gorchymyn mabwysiadu'n cael ei wneud.

Rydym ni eisiau parhau i edrych ar sut i wneud hyn. Rydym ni wedi creu cysylltiadau gyda'r adran yn Llywodraeth Cymru ac Asiantaeth Gwella'r Gwasanaethau Cymdeithasol sydd wedi bod yn gweithio gydag awdurdodau lleol ar hyn o beth.


3. Dywedom ni y byddwn ni'n cefnogi gwaith Cofrestr Fabwysiadu Cymru.

Ymgymeron ni â chyfrifoldeb dros y Gofrestr yng nghanol y flwyddyn.

Adolygom ni'r Gofrestr i wneud rhai newidiadau i arfer fel ei fod yn gweithio'n well i'r asiantaethau sy'n ei defnyddio. Er enghraifft, cynhaliom ni ddiwrnodau ymarferwyr. Gwnaeth yr adolygiad argymhellion, y byddwn ni'n eu rhoi ar waith yn 2016-17.

4. Mae gennym ni gynllun ar gyfer pan fydd y contract Aspireview (ein system mesur perfformiad bresennol) yn dod i ben.

Rydym ni wedi estyn y contract presennol. Byddwn yn derbyn argymhellion ar gyfer systemau yn y dyfodol o'r adolygiad o Gofrestr Fabwysiadu Cymru a'r prosiect ar ddatblygu cronfa ddata amlswyddogaethol bosib.



Mae'r Gwasanaeth Mabwysiadu Cenedlaethol yn cael ei redeg yn dda

Pam mae'n bwysig

- Mae'n golygu y gall cynghorau lleol, asiantaethau mabwysiadu, iechyd ac addysg gydweithio'n dda.

Sut gwnaethom ni berfformio?

Roedd yn bwysig sicrhau bod y trefniadau cenedlaethol a rhanbarthol ar gyfer rhedeg y gwasanaeth yn gyfreithlon ac yn gweithio'n dda. Roedd hyn yn golygu cynnwys y sector gwirfoddol, iechyd, addysg ac eraill yn llawn, yn rhanbarthol ac yn genedlaethol.

1. Beth mae'r Grŵp Ymgynghorol a'r Bwrdd Llywodraethu wedi bod yn ei wneud eleni?

Mae ein Grŵp Ymgynghorol wedi cwrdd bob deufis a chwrddodd y Bwrdd Llywodraethu bedair gwaith eleni.

Mae rhestr o asiantaethau y mae angen iddyn nhw fod yn y cyfarfodydd hyn. Mae'r rhan fwyaf ohonyn nhw'n bresennol. Mae angen i ni barhau i weithio i sicrhau mewnbwn addysg i'r Grŵp Ymgynghorol.

Mae gennym ni brotocol 'gwrthdaro buddiannau' ar gyfer y cyfarfodydd. Mae gennym ni brotocol i gefnogi cynghorwyr sy'n cynrychioli pob cydweithfa ar y Bwrdd Llywodraethu.

Mae agendâu'r cyfarfodydd hyn yn llawn ac yn amrywiol. Mae'r agendâu bob amser yn cynnwys gwybodaeth a thrafodaethau am berfformiad a'r gyllideb.

Mae'r Grŵp Ymgynghorol wedi trafod popeth sydd yn y cynllun gwaith. Maen nhw wedi dangos diddordeb penodol yn yr hyn y mae mabwysiadwyr a phlant a phobl ifanc wedi bod yn ei ddweud wrthym ni.

Mae gan y Bwrdd Llywodraethu gryn dipyn o ddiddordeb yn yr hyn y mae mabwysiadwyr a phlant

a phobl ifanc wedi bod yn ei ddweud wrthym ni hefyd. Mae ganddyn nhw ffocws penodol ar addysg a chreu cysylltiadau â rolau Magu Plant Corfforaethol cynghorau hefyd.

2. Beth mae'r pwyllgorau rheoli rhanbarthol wedi bod yn ei wneud?

Mae gan bob rhanbarth bwyllgor rheoli neu fwrdd partneriaeth. Mae'r rhain i gyd wedi cwrdd yn rheolaidd, ac mae pobl wedi trafod:

- perfformiad y gwasanaeth a chynlluniau i wella gwasanaethau
- unrhyw brosiectau neu fentrau

Mae'r Asiantaethau Mabwysiadu Gwirfoddol yn rhannu'r cysylltiadau â phob rhanbarth rhyngddynt, ac erbyn hyn mae cynrychiolaeth iechyd ar bob un o'r pwyllgorau rheoli rhanbarthol a mewnbwn addysg ar bob un ond un.

Mae'r rhanbarthau (a'r Asiantaethau Mabwysiadu Gwirfoddol) wedi adrodd i'r Cyfarwyddwr Gweithrediadau. Mae hwn yn ddefnyddiol dros ben. Yn ei dro, ar sail hynny mae'r Bwrdd Llywodraethu wedi adrodd i Weinidogion Cymru. Mae'r adroddiad hwn yn rhan o'r hyn y maen nhw'n ei adrodd i Weinidogion Cymru.

3. Beth am yr Asiantaethau Mabwysiadu Gwirfoddol yng Nghymru?

Mae hanes hir o bresenoldeb Asiantaethau Mabwysiadu Gwirfoddol yng Nghymru.

Yn 2012, dechreuodd yr Asiantaethau Mabwysiadu Gwirfoddol gydweithio'n agos fel y Bartneriaeth Mabwysiadu Gwirfoddol Strategol (SVAP). Cyfrannodd y SVAP at ddatblygiad y Gwasanaeth Mabwysiadu Cenedlaethol. Maen nhw'n ymroddedig i gydweithio â'r Gwasanaeth Mabwysiadu Cenedlaethol yn genedlaethol ac yn rhanbarthol. Maen nhw'n parhau i gyflwyno gwasanaethau.

Mae'r sector gwirfoddol wedi cael ei effeithio gan galedi, a chan newidiadau y mae awdurdodau lleol wedi eu gwneud i'r ffordd y maen nhw'n darparu gwasanaethau mabwysiadu. Ym mis Gorffennaf, heb unrhyw rybudd, aeth Cymdeithas Mabwysiadu a Maethu Prydain (BAAF) i ddwylo'r gweinyddwyr. Mae pob un o'r pedair asiantaeth wirfoddol sy'n weddill wedi gorfod edrych yn ofalus iawn ar ei gwaith a'i chynladwyedd. Mae'r sector gwirfoddol yn dibynnu ar grantiau, rhoddion ac awdurdodau lleol sy'n prynu eu gwasanaethau.

Mae Cymdeithas Plant Dewi Sant wedi galluogi etifeddiaeth BAAF Cymru i barhau yng Nghymru trwy gamu i'r adwy i gynnal y Gymdeithas Maethu a Mabwysiadu Cymru newydd (AFA Cymru). Mae'r trefniad yn galluogi AFA i weithredu'n annibynnol.

Hefyd, mae'r SVAP wedi cydweithio i ymgeisio i'r gronfa "Grant i'r Trydydd Sector ar gyfer Gwasanaethau Cymdeithasol Cynaliadwy" ar gyfer

2016-19. Mae hyn wedi arwain at ddau gais llwyddiannus ar draws pedair o'r Asiantaethau Mabwysiadu Gwirfoddol. Bydd y cymorth grant hwn yn dechrau ym mis Ebrill 2016.

Mae 'map o'r ffordd' i gyflawni cydweithio agosach yn y dyfodol yn dechrau ymddangos. Mae hyn yn cynnwys:

- datblygu mudiad cyflwyno ar y cyd rhwng Adoption UK ac After Adoption yng Nghymru o fis Ebrill 2016 ymlaen
- gweithio ar y cyd mewn perthynas â gwasanaethau hyfforddiant a chefnogaeth fabwysiadu.

Mae'r Asiantaethau Mabwysiadu Gwirfoddol sy'n recriwtio ac yn asesu mabwysiadwyr yng Nghymru'n archwilio p'un a allant gydweithio i ddatblygu recriwtio arbenigol ar gyfer y plant sydd fwyaf addas i'w gosod.

Y flwyddyn i ddod, 2016-17

Mabwysiadu yn ei gyd-destun

Mae polisi Llywodraeth Cymru dros y blynyddoedd diwethaf wedi canolbwyntio ar sicrhau bod gweithwyr cymdeithasol yn ystyried mabwysiadu pan na all plentyn ddychwelyd i'w deulu biolegol. Roedd y Gwasanaeth Mabwysiadu Cenedlaethol, er iddo gael ei arwain gan lywodraeth leol, yn rhan o'r amcan o sicrhau bod gwasanaethau mabwysiadu yng Nghymru'n gwella. Dros y chwe blynedd ddiwethaf, mae mabwysiadu wedi mynd yn fwy cyffredin yng Nghymru a Lloegr a hynny, mae'n debygol, oherwydd ffocws polisi'r llywodraeth ar fabwysiadu.

Fodd bynnag, mae hynny wedi dechrau newid oherwydd nifer o ddyfarniadau'r uchel lys sy'n effeithio ar sut mae mabwysiadu'n cael ei weld a'i ddefnyddio. Mae ymchwil yn dweud wrthym fod mabwysiadu'n fwy tebygol o roi cartref sefydlog i rywun nag unrhyw opsiwn arall. Er hynny, mae mabwysiadu'n iawn dim ond i rai plant. Yng Nghymru mae nifer y plant sy'n cael eu mabwysiadu'n codi bob blwyddyn.

Cafodd Cynulliad Cenedlaethol Cymru newydd ei ethol ym mis Mai 2016. Dyma gyfle i'r Cynulliad Cenedlaethol ystyried beth fydd ei bolisi mabwysiadu ar gyfer Cymru yn y dyfodol.

Rydym ni'n credu y bydd yn bwysig i ystyried beth sy'n digwydd yn y system gyfreithiol a lefelau buddsoddiad mewn gwasanaethau cefnogaeth fabwysiadu.

Cyhoeddodd Pwyllgor Plant, Pobl Ifanc ac Addysg Cynulliad Cenedlaethol Cymru ei "Ymholiad dilynol i Wasanaethau Mabwysiadu yng Nghymru" ym mis Mawrth 2016. Rydym ni'n croesawu ei gyhoeddiad. Mae'n adlewyrchu ein blaenoriaethau parhaus ac yn amlygu'r heriau parhaus mewn gwella gwasanaethau mabwysiadu, yn enwedig y rhai sy'n ymwneud â gwasanaethau iechyd / CAMHS, gwasanaethau addysg a gwaith siwrnai bywyd. Rydym ni'n gwybod bod angen gwneud mwy fel bod:

- pawb yn derbyn gwasanaeth mabwysiadu gwell.
- gwasanaeth o safon uchel ar gael ar draws Cymru gyfan.

Rydym ni'n gweithio ar hyn gydag awdurdodau lleol ac asiantaethau mabwysiadu gwirfoddol ac yn meddwl am argymhellion yr adroddiad. Mae'r adroddiad llawn ar gael ar Wefan y Cynulliad Cenedlaethol yn

<http://www.senedd.cynulliad.cymru/mglIssueHistoryHome.aspx?lId=500000020>

Ein blaenoriaethau ni ar gyfer 2016-17

Mae gennym ni ddwy flaenoriaeth fawr eleni:

1. Gwella cefnogaeth fabwysiadu
2. Datblygu cronfa ddata i gadw mewn cysylltiad â mabwysiadwyr, a gweithredu fel Cofrestr Fabwysiadu Cymru'r dyfodol

Mae pethau eraill mae angen i ni eu gwneud. Rydym ni wedi ysgrifennu amdanyn nhw yn ein cynllun. Ond y ddwy flaenoriaeth hon yw'r rhai mwyaf.

1. Gwella cefnogaeth fabwysiadu

Mae llawer o waith i'w wneud.

- Rydym ni newydd dderbyn yr adroddiad gyda llawer o argymhellion. Mae angen i ni ystyried yr argymhellion yn ofalus. I wneud hyn byddwn ni'n cynnal gweithdy gydag asiantaethau, ac wedyn yn ffurfio cynllun.
- Rydym ni eisiau ei gwneud hi'n haws i fabwysiadwyr ddod o hyd i gefnogaeth pan fydd ei hangen arnynt. Rydym yn bwriadu gweithio gyda gwasanaethau cyffredinol fel eu bod yn 'ymwybodol o fabwysiadu'. Hefyd, rydym ni eisiau sicrhau y gall mabwysiadwyr a phlant a phobl ifanc dderbyn cymorth gyda'r sawl penbleth magu plant sy'n effeithio dim ond ar deuluoedd mabwysiadol. Rydym ni eisiau i gymorth fod ar gael yn hwylus trwy'r rhanbarthau a'r Asiantaethau Mabwysiadu Gwirfoddol gan gynnwys eu llinellau cymorth. Mae'r cynnig o aelodaeth Adoption UK am flwyddyn i fabwysiadwyr newydd yn parhau.
- Bydd deddfwriaeth gwasanaethau cymdeithasol newydd. Mae hyn yn dweud bod yn rhaid i awdurdodau lleol sefydlu gwasanaethau 'Gwybodaeth, Cyngor a Chymorth'. Mae gan y gyfraith newydd hon oblygiadau ar gyfer y rhanbarthau a'r Asiantaethau Mabwysiadu Gwirfoddol. Rydym ni eisiau i fabwysiadwyr a phlant a phobl ifanc gael mynediad hwylus at gyngor a gwybodaeth. Trwy hyn, maen nhw'n gallu gwneud dewisiadau gwybodus am y cymorth y maen nhw'n ei dderbyn. Hefyd,

rydym ni eisiau sicrhau bod y gwasanaethau 'Gwybodaeth, Cyngor a Chymorth' yn ffordd hwylus o dderbyn cyngor gwybodus gan weithwyr proffesiynol sydd â phrofiad o fabwysiadu a gwybodaeth arbenigol.


- Mae hawl gan yr holl deuluoedd mabwysiadol i gael asesiad o'u hanghenion cefnogaeth fabwysiadu. Rydym ni'n credu y dylai hwn gael ei gyflawni gan y gwasanaethau mabwysiadu rhanbarthol, yn ddelfrydol gyda'r gwasanaethau'n cael eu darparu ar y cyd gyda'r Asiantaethau Mabwysiadu Gwirfoddol. Mae un rhanbarth yn gwneud hwn yn barod. Mae un arall yn profi'r ymagwedd hon yn rhan gyntaf 2016-17. Ein cynllun ni yw dysgu o'r rhanbarthau hyn, gyda golwg ar ddefnyddio'r ymagwedd ledled Cymru.
- Yn gysylltiedig â hyn, fe hoffem ni beilota canolfan cefnogaeth fabwysiadu yng Nghymru. Gallai hon fod yn bartneriaeth rhwng gwasanaethau mabwysiadu gwirfoddol ac un neu fwy o'r rhanbarthau. Byddai'r cynllun peilot hwn yn darparu ystod o wasanaethau wedi eu targedu ac arbenigol, eto gyda golwg ar ddefnyddio'r ymagwedd ledled Cymru.

Rydym ni'n bwriadu dylanwadu ar wasanaethau addysg yn rhanbarthol ac yn genedlaethol. Rydym ni'n bwriadu hyrwyddo'r llyfryn a gafodd ei gyhoeddi'n ddiweddar 'Cael Pethau'n lawn i Bob Plentyn - Canllaw ar gyfer ysgolion i weithio gyda phlant sydd wedi eu mabwysiadu a'u rhieni'.

Yn yr un modd, trwy gysylltiadau rhanbarthol a chenedlaethol gyda CAMHS, rydym ni eisiau datblygu a chyhoeddi llwybr cytunedig ar gyfer cael mynediad at wasanaethau CAMHS.

Rydym ni eisiau parhau i ddylanwadu ar Lywodraeth Cymru hefyd i sicrhau bod y cyd-destun cyfreithiol, polisi ac adnoddau y mae'n ei ddarparu'n cefnogi ein hymdrechion ni i wella gwasanaethau mabwysiadu yng Nghymru.

**Dengys y darlun yr isafswm
yr ydym ni eisiau ei gynnig i
fabwysiadwyr.**



Cefnogaeth gyffredinol

Aelodaeth o AUK • Mynediad i gyngor a gwybodaeth arbenigol • Cyswllt parhaus trwy gylchlythyr / gwybodaeth • Grwpiau cefnogi / digwyddiadau i'r teulu • Cyfarfod cyn y lleoliad gydag ymgynghorydd meddygol • Deunyddiau siwrnai bywyd mewn lle • Hyfforddiant ôl-gymeradwyo sylfaenol • Gwasanaethau iechyd ac addysg prif ffrwd sy'n 'ymwybodol o fabwysiadu' • Asesiad cefnogaeth fabwysiadu

Cefnogaeth wedi ei thargedu

Cefnogaeth anghenion ychwanegol mewn ysgolion sy'n 'ymwybodol o fabwysiadu' • ysbytaï, timau iechyd plant a gwasanaethau CAMHS sy'n 'ymwybodol o fabwysiadu' • gwasanaethau wedi eu hysgrifennu i mewn i'r cynllun cefnogaeth fabwysiadu • Asesiad ar gyfer cefnogaeth ychwanegol • Lwfansau mabwysiadu • Hyfforddiant ôl-fabwysiadu ychwanegol • Cefnogaeth ar gyfer gwaith siwrnai bywyd

Cefnogaeth arbenigol

Asesiad a gwasanaethau CAMHS arbenigol • Asesiad a gwasanaethau arbenigol / therapiwtig eraill

Ar hyn o bryd, mae angen cefnogaeth wedi ei thargedu neu arbenigol ar hyd at chwarter o blant a phobl ifanc (tuag 80 y flwyddyn ddiwethaf pan fyddan nhw'n cael eu mabwysiadu. Mae llai na 4% yn debygol o fod ag anghenion cefnogaeth tymor hir arwyddocaol.

Ein hamcan ni yw sicrhau bod teuluoedd yn derbyn cefnogaeth effeithiol mor fuan ag y bo'n amlwg y bydd angen cefnogaeth arny'n nhw. Mae hyn yn ei gwneud hi'n llai tebygol y bydd angen yn gwaethygu i fod yn broblem ddifrifol.

2. Datblygu cronfa ddata i gadw mewn cysylltiad â mabwysiadwyr a gweithredu fel Cofrestr Fabwysiadu Cymru'r dyfodol

Rydym ni newydd dderbyn dau adroddiad ar hwn ac rydym ni'n ystyried eu hargymhellion Rydym ni eisiau datblygu system ar gyfer y dyfodol sy'n:

- cefnogi ni i osod yr holl blant y mae angen eu gosod. Bydd y Gronfa Ddata'n cefnogi dod o hyd i deuluoedd yn rhanbarthol, yng Nghymru a'r tu hwnt i Gymru os bydd angen.
- galluogi ni i gadw mewn cysylltiad â mabwysiadwyr.

- darparu gwybodaeth amser real ddibynadwy ar gyfer pob rhan o'r Gwasanaeth Mabwysiadu Cenedlaethol i'n helpu ni i gynllunio gwasanaethau.

Adnoddau ariannol

Mae cost graidd y Gwasanaeth Mabwysiadu Cenedlaethol yn cael ei hariannu'n llawn gan lywodraeth leol yng Nghymru. Yn bennaf mae hwn yn dod o gyllidebau awdurdodau lleol. Mae'r tîm canolog yn cael ei ariannu trwy 'frigdorri'r' setliad llywodraeth leol cyn y caiff ei ddosbarthu i gynghorau yng Nghymru trwy Gymdeithas Llywodraeth Leol Cymru.

Cafodd cyllideb benodedig flynyddol o £272k ei chytuno cyn i'r Gwasanaeth Mabwysiadu Cenedlaethol gael ei lansio.

Tîm Canolog

Mae'r profiad hyd yma wedi dangos nad yw'r gyllideb benodedig yn ddigon i dalu am gostau craidd y tîm canolog. Nid yw'r gyllideb benodedig yn caniatáu unrhyw hyblygrwydd ar gyfer costau nad oes modd eu rheoli, fel dyfarniadau cyflog.

Cyllideb wedi'i Dyrannu	Sefyllfa ar Ddiwedd y Flwyddyn
Cyfanswm Staffio £230,762.32	£221,554
Cyfanswm Costau Eraill £41,238.00	£35,481
Cyfanswm Cost £272,000.00	£257,035



Mae'r sefyllfa ar ddiwedd y flwyddyn yn debygol o ddangos tanwariant bach. Cyflawnom ni hwn trwy fanteisio i'r eithaf ar ein grant, a derbyn incwm o reoli Cofrestr Fabwysiadu Cymru. Bydd y tanwariant hwn yn cael ei gario ymlaen i gyflenwi'r diffyg yn y gyllideb ar gyfer 2016-17.

Rydym ni wedi gofyn i Gymdeithas Llywodraeth Leol Cymru ystyried addasiad i'r gyllideb graidd fel ei bod yn talu am gostau craidd gan nad oes modd i ni barhau i ddibynnu ar incwm o grantiau.

Cawsom ni gefnogaeth gan Lywodraeth Cymru trwy gymorth grant o £140k. Roedd hwn ar gyfer:

- cefnogi datblygiad gwasanaethau cefnogaeth fabwysiadu
- creu cysylltiadau â mabwysiadwyr a phlant a phobl ifanc sydd wedi eu mabwysiadu
- ymagwedd marchnata / cysylltiadau cyhoeddus broffesiynol at recriwtio

Cafodd y prosiectau a ganlyn eu cefnogi o'r grant hwnnw. Heb y grant, ni fyddai unrhyw ran o'r gwaith hwn wedi bod yn bosib.



Nid yw gwybodaeth ariannol fanwl ar gael ar gyfer gwasanaethau mabwysiadu ledled Cymru. Gallwn ni adrodd ar rai agweddau ar wariant ar gyfer 2014-15. Dyma'r data wedi'i gadarnhau diweddaraf sydd ar gael.

Nid cyfanswm cost gwasanaethau mabwysiadu mo hwn. Nid yw'n cynnwys costau staffio a chostau eraill eto. Mae'n dangos elfennau o wariant y byddwn ni efallai eisiau ystyried eu defnyddio'n wahanol yn y dyfodol.

Gwariant	Canolbarth Cymru	Gogledd Cymru	De-ddwyrain Cymru	Y Fro, Y Cymoedd a Chaerdydd	Y Bae Gorllewinol	Cyfansymiau
Lwfansau mabwysiadu	£620,568	£559,442	£1,018,111	£828,076	£958,818	£3,985,015
Gwariant ychwanegol arall	£56,221	£59,748	£27,073	£146,992	£103,781	£393,815
Ffioedd rhyng-asiantaeth	£81,254	£160,000	£440,356	£1,442,400	£1,494,502	£3,618,512
Cyfansymiau	£758,043	£779,190	£1,485,540	£2,417,468	£2,557,101	£7,997,342

Mae tua £350,000 wedi ei ddyfarnu i fudiadau gwirfoddol bob blwyddyn am y tair blynedd nesaf i gyflwyno gwasanaethau mabwysiadu o'r "Grant i'r Trydydd Sector ar gyfer Gwasanaethau Cymdeithasol Cynaliadwy".

Mae arian wedi ei ddyfarnu i AFA hefyd i gefnogi gwasanaethau plant sy'n derbyn gofal, gan gynnwys mabwysiadu.

CYFEIRIADAU

Selwyn, J and Meakings, S. (2015), Beyond the Adoption Order (Wales): Discord and disruption in adoptive families. Final report to Welsh Government. Hadley Centre for Adoption and Foster Care Studies.

Selwyn, J, Wijedasa, D and Meakings, S. (2014), Beyond the Adoption Order: challenges, interventions and disruptions. Report to the Department for Education. Hadley Centre for Adoption and Foster Care Studies.

Kempenaar, Maria 2015. Adoption Support Plans: exploring the processes. PhD Thesis, Cardiff University.